

FAULA X.

'L BALON-VOLANT E LE GRUE.

Un gros Balon-volant ch' s' era elevà
 An aria con un ton d' magnificenssa,
 Incontra un voli d' Grue pr la strà ;
 Chiel-sì , gonfi d' se stess , dla soa presenssa ,
 Pensand d' esse patron dl ciel, d'i vent,
 A j' ha ciamaje tute all' ubidienssa ,
 Disendje : E voi chi seve ?..... e che ardiment
 D' avnine an paradis sechè la gloria ,
 D' andè così spasgiand me apartament ?
 I veui pinen suffrì sta vostra boria ,
 E s' voi pretende ancour d' aussè 'l cachet ,
 Pensè ch' i peuss fiacheve la sicoria.
 Le grue sentiend lò , piene d' dispett
 A j' han rispost..... e voi che bestia seve ?
 Chi v'ha portave sù ? l' elo 'l Foulett ?
 Prchè ch' j' aspete ancheui mach a mostreve ?
 Dalloura ch' noi i vnouma su-da-sì ,
 E pur n' è mai rivane d' incontreve !

(Ai replica 'l Balon) adess a mi ;
Gher , ch' i' vad a feve na bignetta !
Partì gheusaja ; presto , eve capì !
Ma disend lò s' dsstaca la scionfetta
Dont a j' era 'l feu sout , e 'l gran Balon
A l' è restà rupì giust coum' n' erbetta.
Sta Faula a veul dè ch' a son d' mincion
Coui-tai ch' a son d' subrich e s' levo an aria
Prchè ch' a son guarnì d' piume d' pavon ,
Venta pensè ch' 'l vent quaich vota' a varia ,
E coui ch' a son mach goufi a forssa d' fum,
Se ai capita na bisa un po' contraria ,
A perdo 'l feu da sout , e sq volum.
